



## KENYATAAN MEDIA

### **BELANJAWAN 2024: MCMC SAMBUT BAIK USAHA MEMPERKASA PUSAT EKONOMI DIGITAL DAN MEMBANTERAS JENAYAH SCAM**

**CYBERJAYA, 14 OKTOBER 2023** --- Suruhanjaya Komunikasi dan Multimedia Malaysia (MCMC) menyambut baik mandat Menteri Komunikasi dan Digital, YB Fahmi Fadzil melalui pembentangan Belanjawan 2024 bertemakan 'Reformasi Ekonomi, Memperkasa Rakyat', untuk membangunkan masyarakat berpengetahuan dalam dunia digital. Belanjawan 2024 dilihat sebagai belanjawan yang mampu memacu negara ke arah menjadi sebuah negara berinovasi, berteknologi tinggi dan memperkasa ekonomi digital.

Menurut Pengerusi MCMC, Tan Sri Mohamad Salim Bin Fateh Din, "Peruntukan kepada PEDi ini bukan sahaja akan dapat membantu memperkasa golongan usahawan untuk meningkatkan tahap sosioekonomi mereka bahkan juga dapat menyumbang kepada pertumbuhan ekonomi digital negara."

Peruntukan sebanyak RM25 juta ringgit bagi memperkasa Pusat Ekonomi Digital (PEDi) di setiap Dewan Undangan Negeri (DUN) diyakini dapat meningkatkan penjaan pendapatan dan mencipta lebih banyak peluang pekerjaan. Ketika ini, terdapat 911 kemudahan PEDi yang beroperasi sebagai satu platform sehenti untuk berkhidmat kepada masyarakat.

Selain itu, MCMC turut menyokong Kerajaan dalam memperkasa fungsi Pusat Respons Scam Kebangsaan (NSRC) yang menambah peruntukan kepada RM20 juta bagi meningkatkan lagi fungsi NSRC membanteras

jenayah penipuan dalam talian atau *scam*.

Bagi Tan Sri Mohamad Salim, "MCMC juga sentiasa mempergiatkan usaha meningkatkan kesedaran berhubung jenayah *scam*. Sehubungan itu, keterlibatan MCMC dalam NSRC adalah penting bagi membangunkan masyarakat berpengetahuan dalam dunia siber."

MCMC turut mengalu-alukan peruntukan besar berjumlah RM100 juta daripada pihak Kerajaan, ke arah memupuk penggunaan pendigitalan dalam kalangan 20,000 Perusahaan Mikro, Kecil dan Sederhana (PMKS). Usaha ini menandakan satu langkah ke arah meningkatkan kualiti perniagaan untuk setiap PMKS, ketika mereka memperluaskan perniagaan ke arah model perniagaan digital.

MCMC akan terus komited untuk memastikan agenda pertumbuhan ekonomi digital negara dapat memperkasa rakyat ke arah literasi digital yang tinggi menjadi antara fokus utama selaku pengawal selia komunikasi dan multimedia negara.

## KOMUNIKASI KORPORAT MCMC

TAMAT

**Suruhanjaya Komunikasi dan Multimedia Malaysia** | Malaysian Communications and Multimedia Commission  
MCMC Tower 1, Jalan Impact, Cyber 6, 63000 Cyberjaya, Selangor MALAYSIA  
T: + 60 3 86 88 80 00 | F: + 60 3 86 88 10 00 | E: [scd@mcmc.gov.my](mailto:scd@mcmc.gov.my) | W: [www.mcmc.gov.my](http://www.mcmc.gov.my)



Suruhanjaya Komunikasi  
Dan Multimedia Malaysia



MCMC\_RASMI



SKMM\_MCMC



MCMCTV